



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

§. 1. Cùm Devs in omni Casu adsit, nullum iustæ indignationi locu[m] esse.

urn:nbn:de:hbz:466:1-45653

non accusare, qui, quos amat castigat. Et certè etiam qui Deum maximè amant, maximè, pro nomine Dei, optant contumeliam, & quidvis pati. Qui autem parum amant, parum, illius amore tolerant: qui non amant, nihil tolerant patienter. Nec enim tolerare sufficit; cum etiam diabolus grauissima sustineat tormenta, quibus ferendis non modò nihil præmij meretur, verùm etiam semper peccat. Diabolo itaque similes sunt, qui quæ ferunt, cum indignatione, & odio, & vindicta ferunt. Malum igitur grauius reddunt, quod grauius ferunt. Neque est, quod dicant: aliquid malum libenter pateret; hoc quod nunc premit, opprimit. Stulti hoc dicunt. Non est enim ægroti, ut Medico, sed Medici, ut ægroti præscribat. Deus longè exactius nouit, quid nobis prospicit; in illum cogitationem nostram iactemus; illi erit cura de nobis; ille nouit, quali emplastro indigeamus: ille dixit: *Mundus Ioan. 16. gaudet, vos vero contristabitini.* Quamobrem Sancti finunt se duci diuina voluntate: nullos casus metuunt, nullam fortunam formidant: sciunt enim vias Domini esse rectas, & sic, etiam per has ambages, rectè se duci ad diadema. Qui fudit Deo, non aberat. Ac, ne desperemus, aduersa latis identidem temperantur; mutantque vices nunc amara, nunc dulcia: ut dicere possimus: secundum multitudinem dolorum meorum, in corde meo, consolations *Psal. 93. 19.* inélatificauerunt animam meam. Conqueri non possemus, si sola aspera duceremur: nunc aspera planis mitigantur. Ita bonus est Deus, qui, ob nullos casus acerbos, iniustus esse est existimandus.

C A P V T X X X .

*Quinam, & quanto fructu, considerarint, Casus omnes,
non à Fortuna, sed à Deo mortalibus
inuehi?*

 Voniam ergo neque à Fato, neque à Casu, neque à Fortuna, sed à Deo regitur Mundus; Deus autem neque necessitatem hominibus, ad agendum injicit; neque temerè aut fortuitò quidquam sinificieri; sed, summo consilio omnia dirigit, quæ illi, qui cæci sunt, cæcæ Deæ ascribunt, aut Casu contingere arbitrantur: supereft, ut diuinam prouidentiam, bonitatem, æquitatem, inter

Iob. 2.10.**S. Augustin.
lib.4.de Ci-
uit.cap.33.****Amos. 3.****II.****Iob. 14.2.****Ps.102.15.****Psal.43.19.**

inter omnes Fortune casus, agnoscamus & veneremur, dicamusque, cum Iob: *Si bona suscepimus de manu Dei, mala quare non suscipiamus?* Vtraque enim ab illo. De bonis ait S. Augustinus: *Dens aeterna felicitatis author & dator, quia solus est verus Deus, ipse dat terrena & bonis & malis.* Neq; hoc temerè & quasi fortuitu, quia Deus est, non Fortuna: *sed pro rerum ordine ac tempore, occulto nobis, notissimo sibi: cui tamen ordini temporum non subditus seruit: sed eum ipse, tanquam Dominus regit, moderatōr, disponit.* De malis poenæ aut naturæ ait Amos: *Non est malum, in ciuitate, quod non fecit Dominus.* Cum itaque tam mala, ista, quam bona sint à Domino, meritò dicimus, in omni Casu aduerso: *Si bona suscepimus de manu Dei, mala quare non suscipiamus?* Dominus est, potest punire seruos; Pater est, potest filios castigare; Mundi Gubernator est, potest bona malis, & mala bonis temperare.

*Tulipam Dalmatæ ac Turcæ pileum vocant, seu amiculum capitum, quod gestare solent. Ab hac forma flori inditum est nomen, qui apertus inuersusque pilei illius effigiem refert. Hic flos visu iucundus, atque insigni colorum pulchritudine admirandus summo cauli insidet sursum spectans, sex foliolis saepe constans; interdum septem aut octo; in fundo, calathi, aut cyathi modo, se se pandit, è quo sena, aut totidem, quot sunt folia, stamina erumpunt; modo lutea, modo pallida, modo nigricantia; pediculis etiam, quæ stamina sustinent, mirum in modum colorem variantibus. Hunc talem florem alij aestimant si colore aurum; alij, si purpuram imitetur; alij, si interspersis, per certa interualla, masculis, velut gemmis varietur; mihi, præ omnibus, in eo, obseruatione dignum videtur, quod cognitione carens, tamen adeò accurate obseruet tempestatem. Nam, ad radios solares, se pandit, lucemque toto sinu admittit: ast, vbi radios vel nubes, vel pluiae occupant, illico clauditur, & se contrahens languescit, quasi principis sideris absentiâ tristaretur. Huic flori similes sunt mortales. Quippe homo, quasi flos egreditur nascens; crescens autem, tanquam flos agri, sic efflorebit; &c., sicut fenum dies eius morientis. Estque magna mortalium varietas. Alij auro nitent, alij purpura eminent. Sed in hoc tulipæ maximè æquiperantur; quod, cum dies purus est, & sol serenus lucet; cum omnia læta & fausta, cum quidquid optant, imperant; tum totos sinus pandunt, tum Deum salutant & laudent, iuxta illud: *confitebitur tibi, cum beneficeris ei.**

Et quis